



Monumento natural Praia das Catedrais

PREGUNTAS E RESPOSTAS FRECUENTES

P Durante que períodos é preciso facer unha reserva para poder acceder á praia?

R As reservas serán necesarias durante os seguintes períodos:

- Semana Santa
- Meses de verán: xullo, agosto e setembro

Fora destes períodos o acceso ao monumento será libre. Aínda que non requira de autorización, serán de aplicación as normas e recomendacións establecidas para a visita ao monumento.

P Con que antelación é preciso xerar as reservas?

R A antelación máxima para poder reservar é de 30 días antes da data da visita. A páxina web non dará opción de reservar antes deses 30 días.



P É posible tramitar autorizacións para máis de unha persoa? Como pedir autorización para grupos?

R Si. Unha única persoa poderá solicitar autorización de acceso ao monumento natural para un grupo máximo de 25 persoas, se ben será necesario que esta coñeza e indique os datos persoais de todas as persoas que solicitan acceso (nome e apelidos, sexo, ano de nacemento e documento de identificación persoal).

Lembre que na pantalla inicial, onde se recolle a data prevista da visita, deberá indicar se a persoa solicitante accederá ao monumento natural (marcando "si" na cela correspondente) e tamén o número total de persoas para as que solicita acceder á praia.

Os datos persoais serán requiridos en todos os casos, agás aos menores de 14 anos, para os que non será obrigatorio indicar o documento de identificación persoal.

P Como se realiza o control de acceso ao monumento natural ?

R O control sobre o acceso ao monumento poderá realizarse en calquera momento, sendo obrigatorio acreditar a posesión da preceptiva autorización cando lle sexa requirida, co fin de garantir o cumprimento do Plan de Conservación do Monumento Natural e compatibilizar a súa protección co seu uso público. Non obstante, na entrada ao areal existirá un control permanente.

P Se non podo visitar a praia o día que tiña reservado, podo usar a mesma reserva para outro día?

R Non, as reservas son válidas unicamente para acceder ao monumento o día para o cal foron emitidas e soamente poderán ser utilizadas pola persoa cuxo nome aparece nela.

P Cal é a mellor hora para visitar a praia?

R Dado que existen importantes variacións no réxime das mareas, chegando o mar a cubrir o areal na súa totalidade durante varias horas do



período de marea alta, recoméndase acceder ao areal no período comprendido entre as dúas horas anteriores e posteriores á baixamar, polo que se recomenda que consulte a táboa de horarios de mareas para organizar a súa visita ao monumento. Esta información tamén lle será facilitada na propia web de tramitación de autorizacións no momento de escoller a data da visita: (<https://ascatedrais.xunta.gal>).

P Podo acceder á praia co meu can?

R Segundo a Ordenanza Municipal ó respecto: Queda prohibida a circulación e/ou permanencia de cans na praia en épocas de Semana Santa (dende o sábado previo ao Domingo de Ramos ata o Luns de Pascua, ambos incluídos) e temporada de verán (de 15 de maio a 15 de setembro, ambos incluídos). Exclúese desta prohibición a circulación dos cans polos sendeiros e camiños habilitados na contorna da praia sempre, e cando vaian apropiadamente suxeitos.

Igualmente quedan exceptuados desta prohibición os cans lazarillo ou guía e os cans de apoio emocional.

P Poden persoas con mobilidade reducida acceder ao Monumento Natural?

R A parte superior do Monumento Natural da Praia das Catedrais conta con sendeiros e miradoiros habilitados para o acceso de persoas con mobilidade reducida. O acceso ao areal (ou zona inferior) unicamente se pode realizar por medio de escaleiras, e o tránsito polo areal necesariamente debe ser realizado pola area, o cal pode dificultar o acceso ás persoas con mobilidade reducida.

P Podo bañarme na Praia das Catedrais?

R Si, pero deberá ter en conta as sinalizacións (bandeiras do estado do mar presentes no areal), e as recomendacións dos socorristas.



P Hai aparcadoiros para coches/autobuses preto da praia?

R Si, hai tres aparcadoiros habilitados a diferentes distancias do monumento natural. O máis afastado deles atópase a menos dun quilómetro da entrada ao mesmo.

P Canto custa a entrada? E as visitas guiadas?

R A entrada e as visitas guiadas organizadas pola Xunta de Galicia son totalmente gratuítas.